

lentem sparsis, foliis tenuioribus eleganter sanguineo-venosis. Capitula parva basi tantum sub lente glandulifera. (v. s. s.)

β. *commutatum* (Frœl. mss.), scapo subaphyllo, foliis elliptico-spathulatis. H. Gronovii Willd. herb. 14667. n. 2 nec 1. (v. s. s. in herb. Willd. comm. à cl. Richard.)

71. H. *subnudum* (Frœl. mss.), scapo erecto basi subunifolio hirsuto supernè glabro, foliis obovatis denticulatis pilosis, paniculâ filiformi divaricatâ, pedunculis apice involucrique basi glanduloso-scabris. \mathcal{U} in Americâ septentr. Ste-notheca subnuda Monn. ess. p. 72. H. venoso proximum. Capitula H. paniculati magnitudine et formâ. Fructus teste cl. Monnier fusiformes. Plantam Monn. non vidi. Habitu affine Pilosellis.

β. *retusum* (Frœl. mss.), scapo subaphyllo glabro, foliis obovato-subrotundis retusis apiculatis petiolatis pilosis. (v. s. s.) Non paucis à typo notis recedit, distinguere tamen nolui. Folia coriacea glanduloso-denticulata brevissimè petiolata suprâ viridia pilosa subtùs glauca glabriuscula, parùm longiora quàm lata. Involucrum calyculatum basi sub lente glanduliferum, squamis internis 12-14, externis 4-5 triplò brevioribus instructum. Panicula ferè capillaris.

- * * *TOLPIDIFORMIA* (1). Invol. calyculatis, squamis omnibus linearibus, exterioribus brevissimis. — Habitus Tolpidis sed setæ pappi setulis minimis nullis interjectis separatæ. Radix cylindracea perennis. Folia radicalia. Caulis subnudus apice paniculatus.

72. H. *capense* (Linn. amœn. acad. 6. p. 96), caule subnudo glabro stricto apice paniculato, foliis radicalibus obovato-oblongis, obtusis remotè dentatis utrinque scabris, caulinis paucissimis sub ramorum exortu sitis linearibus integerrimis, pedicellis elongatis, invol. farinosi squamis linearibus pauciseriatis. \mathcal{U} ad cap. Bonæ-Spei. Crepis striata Thunb. fl. cap. 613. Picris striata Spreng. syst. 3. p. 264. Schmidtia Capensis Reichenb. in litt. ad Frœl. Achænia cylindracea glaberrima. Pappus sordidè albescens subuniseriatis. (v. s. comm. à cl. Ecklon.)

β. foliis obovato-oblongis glabris. — ad Draakensteenbergl legit cl. Drege et necum comm. (v. s.)

γ. foliis elongatis oblongo-linearibus glabris. — in prom. Bonæ-Spei legerunt cl. Ecklon et Drege. (v. s.)

73. H. *madagascariense* (DC. herb.), caule subnudo tereti glabro apice parcè ramoso-paniculato, foliis radicalibus oblongis obtusis glabris subintegerrimis, caulinis paucissimis linearibus, pedicellis elongatis parcè bracteolatis, invol. farinosi squamis linearibus, exterioribus brevissimis. \mathcal{U} ? ad fossas in aridis montis Tananarivon ins. Madagascar legit cl. Bojer. Flores flavi. Achænia prismatica truncata. Pappus stramineus. Proximè accedit ad H. Capense sed folia glabra triplò minora. Herba 7-8-pollie. Caulis non sensim striatus, etc. (v. s. comm. à cl. Bojer.)

74. H. *silhetense* (DC. herb.), glabram, radice crassâ cylindraceâ, caulibus è collo plurimis sulcato-angulatis subnudis apice paniculato-corymbosis, foliis radicalibus utrinque acuminatis integerrimis, caulinis paucis linearibus subulatis elongatis, invol. cylindraceo subcalyculato 10-12-floro, achæniis longit. striatis. \mathcal{U} in Indiæ orientalis montibus Silhet legit cl. Wallich. Prenanthes? Candolleana Wall. cat. n. 32. comp. n. 390. (v. s. comm. ab hon. cur. merc. angl. Ind. orient.)

- * * * *ORTHOHECA*. Capitulis majoribus ovatis squamis multarum serierum imbricatis. — Herbæ colore sæpissimè glauco, pedunculis supernè sæpè squamosis.

75. H. *staticifolium* (All. ped. n. 782. t. 81. f. 2), caule ramoso oligocephalo,